

百宋樓藏書志

1加2
796
9



門 4 2
號 796
卷 9



南宋樓藏書志卷二十八

存齋雜纂之六

歸安陸心源剛甫編

史部

史鈔類

兩漢博聞十二卷

明刻本

宋楊侃編

黃省曾序

通鑑總類二十卷

明刊本

章紫伯舊藏

宋沈樞撰

資治通鑑不刊之書也司馬公自言精力盡於

南宋樓藏書志卷二十八

此書而士夫鮮有能徧讀者始則以科舉而求簡便世所傳節本自謂得此足矣名宦旣成則又多汨於利名之場益視爲長物矣貳卿袁公樞集爲紀事本末孝宗一見以爲精要至取嚴陵官本以備乙覽盛矣故詹事光祿沈憲敏公少而耆學晚益不倦厥歷中外入從出藩年登九秩神明不衰素無聲色之奉形清氣和望之如神仙然旣挂衣冠向來功名政事付之昨夢而筆力勁敏不減少年書生取司馬公所著各以事類編之爲二百七十一門首曰治世曰知

人終曰辯士曰烈婦而後自戰國以迄五代一千三百餘年之事彙聚臚分粲然易見繁詞細故悉刪去之古所謂耄期稱道不勅者其公之謂乎公之季子守湖陽欲鍍板以廣其傳以承先公之志俾鑰序之鑰晚出試郡永嘉寔守蕭規以自免於戾荷公忘年定交知子甚厚又與公之子都官泊永州昆仲游爲書卷首以示後之君子使知前輩之學問云嘉定元年仲冬朔旦四明樓鑰序

古者左史書動右史書言各以類屬稽古考文

如指諸掌世降事龐紀錄糾紊宋司馬文正公
法春秋紀年探別歷代之史取其有關於治道
者而折衷之繫於各年之下始於周威烈王廿
三年終於五代之末千三百六十二年之事瞭
然在目名之曰資治通鑑與六經並行于世矣
然有志於事功者每病其繁而不能周覽悉記
施之於事益有茫然者矣寧宗朝詹事沈憲敏
公潛心史學以引年餘力擴通鑑所載君臣人
物性行功業論議籌謀制作事爲各以類聚條
分貫秩爲門二百七十有一始以治世終以烈

婦名之曰通鑑總類凡二十卷披而觀之粲然
若名都之賈區百貨品列森然若大廷之武庫
五兵敘陳其比倫附義不惟使繙尋而捷討究
鑿古施今寔足以彰勸懲而慎舉措雖謂之用
世之書可也是書鈔梓于潮陽數千里之外世
亦罕見今江澗行中書省左丞海陵蔣公德明
分省于吳偶購得之編閱深玩嘉其編次有益
于治意積歲弗靖兵燹所被無不蕩然非廣其
傳必致泯沒遂命郡庠重刻之以行于世而都
事錢君遠請予文以表章之夫經藉遂與史冊

浩夥簡撮精密莫若通鑑離折明切莫若總類
習通鑑以識體要究總類以備遺忘正已治人
擇善而從進德修業居易以俟將見樹立事功
抗美於古昔之明哲者矣蔣公得是書不私其
有而以公天下爲心則於稽古考文豈小補哉
書曰人求多聞時惟建事君子未有不師古而
能有爲者也故述其所由使知發明是書者自
蔣公始至正廿三年歲在癸卯秋七月旣望前
太史知制誥鄱陽周伯琦敘

李實敘

天啟

漢雋十卷

明刊本



括蒼林鉞輯

三代之文至周大備遭秦焚滅蕩然無存迨至
炎漢文運重開篤生賢俊而賈董班馬楊雄之
輩迭出其卓卓屹立于衆人之表者惟班固一
人耳於是購求三代煨燼之餘典參攷以定當
世之憲章遂纂成漢史無慮八十萬餘言具載
文獻典章禮樂名物君臣賢否政教得失天下
風俗之異治亂之由靡不舉具而使西京二百
餘年之事班班可考雖然但去古未遠語雖精

奧而文多艱澁學者讀之猝然莫能曉其義也
 宋紹興間括蒼林公鉞究求文義提其語之精
 奧文之艱澁而不易曉者大書以列其上復用
 顏師古諸儒訓釋細書以明其下纂成一書分
 爲五十篇名曰漢雋蓋取剗通爲書其說雋永
 之義其文意深長而論議甘美也遂鏤諸梓以
 廣其傳蓋有以使學者披卷一覽則知其義而
 無疑可以見其用心之勤而有功於斯文也大
 矣嗚呼前人之制作必賴後人之發明是以班
 史非漢雋不能明其義漢雋非林公不能纂其

要矣然則是書之作非惟有裨於來學而實有

功於班史也哉元統元年上巳日揭傒斯序

東萊先生史記詳節二十卷西漢詳節三十卷東漢

詳節三十卷三國志詳節二十卷晉書詳節三十卷

隋書詳節二十卷南史詳節二十五卷北史詳節二

十八卷唐書詳節六十卷五代史詳節十卷

明慎齋刊本

宋呂祖謙編

李堅序 正德戊寅

歷代故事十二卷 宋刊宋印本

宋楊次山輯

言雖出而非夸事不名則不舉是以居上之人
往往拱默無爲恐人不察是心腹誹巷議以爲
好夸言而名事也老兄永陽郡王昨處庠序親
書歷代故事上自三代下及五季開門聚類包
羅揆敘靡不載焉清雅餘暇聊備檢閱庶遣不

非夸大其

學名其事但爲之猶賢於己耳壬申歲仲春
望日坤寧殿題

案是書不著撰人名氏各家書目亦未著錄序
署坤寧殿題則當爲皇后所製因以序中老兄

永陽郡王一語求之知爲宋楊次山所輯序則
寧宗楊皇后所製也次山字仲甫后之兄也其
先開封人家于越之上虞少好學能文補右學
生后受冊封永陽郡王後封會稽郡王卒年八
十八韓侂胄之誅悉出其謀事詳宋史外戚傳
及后妃傳史稱后涉書史知古今其序當后所
自製壬申年寧宗嘉定五年也其書乃次山手
書付刊書法娟秀可喜嘉定壬申距今六百餘
年完善如新良可寶也

載記類

吳越春秋十卷

元刊本

後漢趙曄撰元徐天祐首註

吳越古稱東南僻遠之邦然當其盛彊往往抗衡上國黃池之會夫差欲尊天子自去其僭號稱子以告令諸侯及越既有吳勾踐大盟四國以其輔王室要其志皆歸於尊周其知所天矣孔子作春秋雖小國猶錄而書之而況以世言則禹稷之裔以地言則會稽具區其川其浸周職方氏列爲九州之首皆足以望天下故記可缺而不傳乎吳越春秋趙曄所著隋唐經籍志

皆云十二卷今存者十卷殆非全書一志又云楊方撰吳越春秋削繁五卷皇甫遵撰吳越春秋傳十卷此二書今人罕見獨曄書行於世曄傳在儒林中觀其所作乃不類漢文按邯鄲李氏圖書十志目亦謂楊方嘗刊削曄所爲書至皇甫遵遂合二家考正爲之傳註又按史記註有徐廣所引吳越春秋語而索隱以爲今無此語者他如文選註引季子見遺金事吳地記載閻廬時夷亭事及水經註嘗載越事數條類皆援據吳越春秋今曄本咸無其文亦無所謂傳

註豈楊所已刊削而皇甫所未考正者耶晁書
最先出東都時去古未甚遠晬又山陰人故綜
述視他書所紀二國事爲詳取節焉可也其言
上稽天時下測物變明微推遠僚若著蔡至於
盛衰成敗之迹則彼已君臣反覆上下其論議
種蠡諸大夫之謀迭用則霸子胥之諫一不聽
則亡皆鑿鑿然皆可以勸戒萬世豈獨爲是邦
二十年故寔哉晬書越舊嘗鈇梓歲久不復存
汴梁劉侯來治越獎厲學校蒐遺文修墜典乃
輟義田廩羨財重刻于學不鄙謏聞屬以考訂

且命序其左端夫越人宜知越之故則是舉也
於所缺不爲無補遂不得辭厥旣刊正疑訛過
不自量復爲之音注併考其與傳記同異者附
見于下而互存之惜其間文義猶有滯礙不可
訓知不敢盡用臆見更定又無皇甫本可證姑
從其舊以俟後之君子考焉侯名克昌世大其
字云郡人前進士徐天祐受之序

大德十年歲在丙午三月音註越六月書成刊
板十二月畢工

前文林郎國子監書庫官徐天祐音註 紹興

路儒學學錄畱堅 紹興路儒學學正陳曷伯

紹興路儒學教授梁相 正議大夫紹興路

總管提調學校官劉克昌

周氏手跋曰丁酉歲民間譌傳選良家女子以寔後宮一時婚嫁殆盡予亦有覆額之娶父執朱彥兼先生以檀孟合刻及此本相贈閱一年而朱先生物故又五六年而先室亦天丁卯夏秋天作淫雨此書爲漏所濕重爲裝飾屈指卅年間升沈變態不一而足自此一往不知又何如也棘人訥齋周靖記

吳越春秋十卷

明覆元本

後漢趙晁撰

按元板每半葉九行行十八字覆本半頁八行行十七字卷末刊版年月銜名與元本同

越絕書十五卷

明雙栢堂刊本

漢表

無名氏跋曰越絕復仇之書也子胥夫差以父之仇句踐以身之仇而皆非其道焉夫君天也君有臣而君殺之尚可仇乎故子胥鞭平王之墓爲不義闔廬之死夫差使人謂已曰而忘越

王之殺而父乎則對曰不敢忘三年乃報越故夫椒之敗釋越而不誅爲不孝會稽之棲苦身焦思嘗膽而食卒以滅吳不知越實得罪於吳而吳之赦已也故其卻公孫雄之請爲不仁春秋書子胥之事曰吳入郢狄吳而諱楚也於夫椒之戰則不書蓋不足乎書也於黃池之會書於越入吳狄越而咎吳也春秋之末復仇之事莫大於斯三者越絕實備之有國有家者可以鑒觀焉

丁黼跋

嘉定庚辰

越絕書十五卷

明嘉靖刊本

漢袁康撰

隋經籍志越絕紀十六卷崇文總目則十五卷注司馬遷史記者屢引以爲據子紹熙王子遊吳中得許氏本訛舛特甚嘉定壬申令餘杭又得陳正卿本乙亥官中都借秘閣本以三本互相參攷擇其通者從之乃麤可讀然猶未也念前所見者皆謄寫失真不板行則其傳不廣則各私其所藏莫克是正遂刻之夔門以俟來者
庚辰七月望日東徐丁黼書

越絕書苦無善本近得丁文伯以蜀中所刊者

見示參攷粗為可讀因刊置郡齋以補越中之

闕云嘉定甲申八月旦日新安汪綱書

無名氏跋

田汝成序

嘉靖二十四年

都穆跋

正德己巳

華陽國志十二卷

明嘉靖刊本

周松靄舊藏

晉江原常璩道將撰

呂大防序

元豐戊申

李至序

嘉泰甲子

張佳胤序

嘉靖癸亥

十六國春秋一百卷

明刊本

魏散騎常侍崔鴻撰

甘士价序

萬曆三十七年

九國志十二卷

精抄本

宋路振撰

案路振字子發永州祁陽人事蹟詳宋史本傳

王伯厚云九國志四十九卷其孫綸增入荆南

高氏治平元年六月上之實十國也陳振孫則

云末二卷張唐英補撰合五十一卷其書久佚

餘姚邵二雲編修於永樂大典中錄得編爲十
二卷凡吳四十四南唐一吳越五前蜀十八後
蜀十八後蜀廿七東漢五南漢八閩八黃思安
附王忠
順楚十九北楚一計傳百三十六篇北楚卽荆
南高氏也

釣磯立談一卷

舊抄本

鮑淶飲舊藏

宋史虛白撰

自序曰叟山東一無聞人也清泰年中隨先校
書避地江表始營釣磯於江渚先校書意薄簪
組心許泉石每乘雙犢版轅車車後挂酒壺山

童三五人例各總角負瓢并席具以自隨遇境
物勝槩則取酒徑醉或爲歌詩自號釣磯閒客
割江之後先校書不祿叟嗣守敝廬頗窺先志
不復以進取爲念會王師弔伐李氏挈宗以朝
湖海表裏俱爲王人大同之慶有識之所共咸
以爲百生不可逢之盛際叟獨何者而私自怫
鬱如有懷舊之思追惟江表自建國以來烈祖
元宗其所以撫奄斯人蓋有不可忘者時移事
往將就蕪沒叟身非朝行口不食祿固無預於
史事顧耳目之所及非網罟之至議則波濤之

竊語也隨意所商聊復疏之於紙僅得百二十許條總而題之曰鈞磯立談使小子溫成誦於口粗以存其梗概云吁文慚子山之麗興哀則有之才愧士衡之多辨亡亦幾矣

何氏手跋曰鈞磯立談往見崑山徐司寇大字宋本紙刻精好迄今猶在目中昨於殘臘買得此本頗以其胥鈔拙劣爲棄頃偶將曹氏新刻粗校曹刻脫誤不勝具多開冊便缺二版兩行又少一敘後此脫誤版版皆是不可枚數曹刻出於竹垞卽此虞山秀水之本善惡立辨矣康

熙乙未秋末小山記

盧氏手跋曰丁酉七月二日東里盧弓父閱竟元本有汲古主人毛子晉父子圖章蓋善本也託江寧李生育芬做鈔之戊戌四月回杭見鮑氏新刻因再閱一過二十五日

又曰此書南唐國亡後記其興衰之槩不知何人著其自序云叟山東人清泰中隨先校書避地江表父子皆不以進取爲念書中有云山東有隱君子者與韓熙載同時南渡以說于宋齊邱齊邱引以見烈祖擢爲校書郎不能用其言

也於是放意泉石遂卒不仕此殆卽其先人歟
是書於忠佞功罪之迹可稱實錄徐鉉等撰江
南錄誣潘佑之死以妖妄叟雖未見其書而疑
其必有曲筆爲書佑以直諫死使後之人不信
其謬悠其用意抑何至也序云得百二十許條
今計之祇三十條然要領已無不盡且相傳止
一卷未必本書多於此三倍也曹氏刻本多訛
脫此本爲何小山所傳較完善因傳錄之乾隆
四十二年七月戊辰東里盧文弨書於鍾山書
院

江南野史十卷

舊抄本

鮑以文舊藏

宋螺川龍袞撰

趙氏手跋曰江南野史宋螺川龍袞撰以紀傳
體載南唐事前人每多引用但攷之鄭氏通志
晁氏讀書志宋史藝文志俱作二十卷此云十
卷似非足本杭堇浦云野史凡八十四篇自明
以前已軼其半可知殘闕久矣此本傳抄于朱
竹垞曝書亭又假吳氏瓶花齋鮑氏知不足齋
藏本彼此校讎魯魚帝虎之訛未能盡除尙須
更俟善本也乾隆壬子秋九月二十六日趙輯

寧書于古歡書屋之南窗

某氏手跋曰宜壽王後一段係小周后傳當附周后傳後予家藏本亦然初疑訛脫今閱此本正同知江以南無完本矣庚寅冬日芝記 李後主賜牽機藥云云出龍袞江南錄今檢此本無之豈龍袞別有江南錄耶抑或以所載不實自毀其板而著此江南野史耶今不可攷矣次日芝又記

江南野史十卷

舊抄本

宋螺川龍袞撰

三楚新錄三卷

舊抄本

黃蕘圃手校

儒林郎試秘書省校書郎前桂州修仁令周羽冲編

黃氏手跋曰丁卯夏借陳簡莊所藏吳枚菴手抄本傳錄并校其誤脫復翁

五國故事二卷

黃蕘圃校本

不著撰人名氏

蜀檇杙十卷

舊抄本

宋尚書屯田員外郎黃松子張唐英汝功撰
嘗觀自古姦雄竊據成都者皆因中原多故而

閉關恃險以苟偷一時之安譬夫穿窬之人利於昏瞶之夕至於白晝皎然則無能爲也且韋臯守蜀二十餘年其材智機權過於王孟遠矣正欲求兼兩川節鉞而不能得劉闢惑術士之言自謂才過項羽不數月就檻車之縛蓋是時朝廷清明刑政修舉賢智在位紀綱整葺雖彼欲不臣勢不能爲也使臯闢在五代時其爲惡必有過于王孟者以此知朝廷治則蜀不能亂朝廷不治則不惟蜀爲不順其四方藩鎮之不順亦有不下於蜀者當王衍之入洛也三蜀之

人盡喜中國之有聖人而莊宗總制失馭中外繼叛蒲禹卿痛哭曰觀天下事勢如此蜀人豈有安泰之期耶必重不幸耳洎知祥入蜀之後明宗頗以蜀人爲疑凡高貴有力者盡令東徙張丕立歎曰蜀中之叛非蜀人爲之也皆朝廷所委用之臣所爲也其言蓋有激而云爾善乎田龍游之論曰僭僞之主改廳堂爲宮殿改紫綬爲赭袍改僚佐爲卿相改前驅爲警蹕改妻妾爲后妃何如常稱成都尹永無滅族之禍耶茲可謂玉石切至之言也王孟父子四世凡八

十年比之公孫述輩最爲久遠其間善惡之迹亦可爲世之鑒戒然編錄者如耆舊傳鑑戒錄野人間話之類皆本末顛倒鄙俗無取真宗時知制誥路公振修九國書有前蜀後蜀世家列傳然而煩簡失當尙多疎畧如張扶馮涓張士喬段融蒲禹卿張雲陳及田滄諫草章疏皆有益于世教盡棄而不錄此觀者所以惜其有未備也予家舊藏前蜀開國記後蜀實錄凡三十六卷嘗欲焚弃而不忍今因檢閱始終削去煩冗編年敘事分爲二卷其間事實未顯如髯須

肥遺遠望績長禹糧蒲騷之類各爲解其失悞凡五代史及皇朝日厯所載者皆畧而不書名曰蜀檮杌蓋取楚史之名以爲記惡之戒非徒衍其小說亦使亂臣賊子觀而恐懼云爾張唐英汝功撰

南唐書三十卷

明嘉靖刊本

宋馬令撰

自序曰傳曰太熙之後述史者幾乎罵矣唐季五代大盜割劇各有史而太熙之風往往有之南唐寢滅史官高遠慮貽後悔悉取史草焚

之而死徐鉉湯悅奉太宗皇帝敕追錄所聞而
忘遠取近率皆疎畧先祖太傅元康世家金陵多
知南唐故事旁搜舊史遺文并集諸朝野之能
道其事者未及撰次遽捐館舍今輒不自料纂
先志而成之列爲三十卷雖有愧於筆削而誅
亂尊主亦庶幾焉崇寧乙酉春正月陽羨馬令
又序曰嗚呼五代之亂符璽竊於大盜中國變
於夷狄先王之禮樂制度掃地盡矣李氏初據
江淮建唐廟以隆親與夫祖契丹而絕其父者
孰躋始郊祀於園丘與夫尙野祭而焚紙繒者

孰重五代之君若彼南唐之制若此則正統疑
於不存而僭竊疑於無罪也予作此書尊天子
於中原而僭僞之事則不爲南唐諱者豈無意
哉蓋尊天子所以一天下之統書其僭所以著
李氏之罪其統旣一其罪旣著則竊土賊民者
無遁刑於天下後世矣昔孔子作春秋非徒載
其陳言也竊取其義以爲人道之大法而已予
之所論有合於此者弗可不察也王通之作元
經第以進退南北而亂其正統輒自比於孔子
曰春秋元經於王道是輕重之權衡且孔子所

書彼善於此則有之而正統常在於周通之所
書者宋魏之間其統未嘗一也使後世擾擾而
不知其正者必自通始嗚呼法春秋而不知春
秋之法者豈特王通乎

姚昭跋

嘉靖庚戌

南唐書十八卷音釋一卷

顧千里校本

宋陸游撰

天曆改元余待罪中執法監察御史王主敬謂
余曰公向在南臺蓋嘗命郡士戚光纂輯金陵
志始訪得南唐書其於文獻遺闕大有所考証

裨助正多且爲音釋焉因屬博士程熟等就加
校訂鈔板與諸史並行之越明年余得告還金
陵書道就光來請序按南唐本紀李昇系出憲
宗四世間關阨纔有江淮之地僅餘三十年
卒不復振而宋滅之雖爲編小觀其文物當時
諸國莫與之並其賢才碩輔固不逮蜀得武陵
而張延翰劉仁瞻潘佑韓熙載孫忌徐鍇之徒
文武才業忠節聲華炳耀一時有不可掩矧其
間政化得失興衰治亂之蹟有可爲世鑒戒者
尤不可泯也竊謂唐末契丹雄盛虎視中原晉

漢之君以臣子事之惟顧乃獨拳拳於江淮
小國聘使不絕嘗獻橐駝并華馬干計高麗亦
歲貢方物意者久服唐之恩信尊唐餘風以唐
爲猶未亡也邾朱承五季周統因爲僭偽故其
國亡而史錄散佚不新然則馬元康胡恢等迭
有所述今復罕見至山陰陸游著成此書最奇
有法傳者亦寡後世有能秉春秋直筆究明綱
目統緒之旨者或有所考而辨之姑識其端以
俟君子余前忝史館朝廷嘗議脩宋遼三史
而未暇他日太史氏復申前議必將有取於是

書焉集賢大學士奎章閣大學士光祿大夫知
經筵事趙世延序

家兄抱冲藏陸敕先用錢幣室手抄校汲古閣
刻本與此大畧相同其足以補正此本者悉識
于行間徐遊傳云持大鐵筴又云納筴中筴之
卽說文籒字竹器可以取粗去細者也廣韻集
韻類篇諸書論之詳矣今本之誤殆不可解藉
陸校而始明故特表而出之嘉慶己未從綬階
二兄僭讀并記顧廣圻

雍正歲戊申陽月念又八日借孫氏所藏姚聖

百牙樓書志 卷二十一
三
咨依宋槧抄本校讐於采蓮涇之孝慈堂灌稼
邨翁王聞遠叔子識時年六十有六

嘉慶己未五月覆校一過畢顧廣圻又記

采石瓜州斃亮記一卷

舊抄本

宋門人左宣教郎潼川蹇駒編次

昔唐裴晉公平淮西而韓昌黎爲之碑柳柳州
爲之雅其功業文章輝映簡冊曠古鮮今迄未
有繼之者惟我宣諭尙書虞公當采石瓜洲之
戰以偏師嬰賊前鋒遂能大破虜兵使自屠戮
坐復兩淮之地功業顯著以見于尙書之除命

矣議者迹其事謂不當在平蔡功下潼川蹇公
少劉省幹乃尙書公門下士尙慮四方萬里之
遠未盡周知就爲紀次之其文質寔典雅筆勢
遠軋韓柳蓋與夫靡曼不根者去萬萬矣或曰
蜀人素不武此以風聲氣習言也禮不云乎儒
以忠信爲甲冑禮義爲干櫓傳不云乎一賢制
千里之難一士止百萬之師僕于尙書公得之
矣馮持約秀才得此副本施于剞劂以廣其傳
異時吾蜀士大夫激昂奮勵以赴功名之會書
名竹帛勒功鼎彝寔尙書公之權輿云隆興改

元昭陽協洽秋七月既望得月軒漫叟書

裔夷謀夏錄一卷

舊抄本

宋劉忠恕著

裔夷者夷狄之裔生長沙漠食腥膻而衣皮居
草處而野寢聚廬托處咸以戎馬鳥獸爲事其
地則烽烟四起嘯叫成羣飲河貉文聚習夷狄
而中國無與且不知中國有教也羈縻勿絕相
與安之何啻天淵之隔不意契丹再世所出有
輕中夏之心金人騷動潛窺中夏幾欲問鼎其
謀四出性雖夷而心則甚鷲也于是中國謀臣

智士往往盡忠王室俾無樂生之念徒有徇國
之譏昔文起山所以有言曰妾婦生何益男兒
死未死壯哉言乎使中國縱際式微之運猶存
殉國之臣使彼不得玩忽我朝者未必非斯人
力也嗚呼天祚不延使干戈日循蛇豕之僭實
甚而得志于中國醜類之惡日彰佐命之身必
罹人患雖鼎鑊不顧也竊嘗思之周書云皇天
無親惟德是輔世際艱難主仍孱弱而據爲虜
人肆虐者抑何德之從耶若天幸有土非人力
所能支蓋氣運之說雖聖主不能挽其造撫心

王室咸欲動天而彼蒼漠有轉于其間也迄自
二聖蒙塵天下鼎沸兀朮撫心使名將功成逐
北之舉一旦可興其間若書生輩何以竟畱惡
梟之轡所以人謀實關天數女真阿骨打親提
兵數萬自其國來會之乃先遣人烏歇橫行中
夏金國議朝廷人敵方臨彼先占雲中士民之
樂生者什無三四州縣殘破百有九十酋議竟
取燕守關之人遂爲彼弑雖主上日賫金帛賚
賜勇智之臣徒費無益引登明堂入龍德宮寶
籙宮離宮無所不至禮過數倍而皇帝逐北神

人其憤雖中外爲恭順頌德之輩悉皆殄滅也
八月十三日完顏不花八米升堂講賓主之禮
而授回書遯聞風義深慰悅誠茲所謂邊釁之
起外應內合河北河東契丹軍聲蚤震童貫等
勒兵相應累爲之害趙良嗣計議國書所載上
親御翰墨丁寧夾攻本國軍務契丹欺虜人而
有四軍不能制盟心于中國謀日恣而態益驕
中國日疲而計左也進師未暇而中國僅爲工
墟悲夫草莽臣胡潛序

案書錄解題裔夷謀夏錄一卷翰林學士新安

汪藻彥章撰此本題劉忠恕著未知孰是

安南志畧二十卷

文瀾閣傳抄本

元黎崱撰

高麗史一百三十九卷

抄本

明朝鮮正憲大夫工曹判書集賢殿大提學知經筵春秋館事兼成均大司成臣鄭麟趾等奉教修

張氏金吾曰前有景泰二年進書箋景泰二年

朝鮮恭順王

名珧

之元年也凡世家四十六卷志

三十九卷表二卷傳五十卷目錄二卷合一百

三十九卷高麗王氏自梁末帝貞明四年代高

氏有其國建元天授稱後高麗傳三十二主歷

年四百七十五為其臣李成桂所篡國亡此書

紀王氏一朝之事治亂興廢制度文物粲然可

考亦可云高麗之良史矣 四庫全書存目有

高麗史二卷蓋偶存之殘帙此則足本也

朝鮮鄭麟趾進高麗史箋

景泰二年

越史略三卷

舊抄本

不著撰人名氏

東國史略六卷

舊抄本

不著撰人名氏

無名氏手跋曰宋徐兢撰高麗圖經四十卷最爲詳備而於建國世系則畧焉蓋兢宣和奉使時第就一時間見會輯成書上之御府以盡使臣之職不藉攷古爲工也是編由周至於明初國之興替君之賢否官屬之忠邪災祥之互異有綱有目繩貫珠連可云善矣合二書觀之外邦重譯何憂文獻之不足徵乎

東國通鑑五十卷

東洋刊本

明高麗純誠明亮位理功臣崇政大夫達城君

兼弘文館大提學藝文館大提學知經筵春秋館成均館事徐居正等撰

徐居正進東國通鑑箋

成化二十一年

李克墩序

成化乙巳

函宋樓藏書志卷二十九

存齋雜纂之六

歸安陸心源剛甫編

史部

時令類

歲華紀麗四卷

張訥庵校本

唐韓鄂撰

自序

張氏手跋曰歲華紀麗余家舊藏有明人鈔本
取以對勘一過此本尚無大差謬處補錄前後
序跋遂成完璧彙函各種每多脫譌則此書尚

為其中之佳本也
詠菴居士記

歲時廣記四十卷

舊鈔本

丁月河舊藏

宋廣寒僊裔陳元靚纂

劉純序

朱鑑序

是書 四庫全書未收已列入十萬卷樓叢書
地理類一

三輔黃圖六卷

明刊本

不著撰人名氏

易曰上古穴居而野處後世聖人易之以宮室

上棟下宇以待風雨蓋取諸大壯三代盛時未
聞宮室過制秦穆公居西秦以境地多良材始
大宮觀戎使由余適秦穆公示以宮觀由余曰
使鬼為之則勞神矣使人為之則苦人矣是則
穆公時秦之宮室已壯大矣惠文王初都咸陽
取岐雍巨材新作宮室南臨渭北踰涇至於離
宮三百復起阿房未成而亡始皇并滅六國憑
藉富强益為驕侈殫天下財力以事營繕項羽
入關燒秦宮闕三月火不滅漢高祖有天下始
都長安寔曰西京欲其子孫長安都於此也
長安

本秦之鄉名高祖作都

至孝武皇帝承文景菲薄之餘恃

邦國阜繁之資土木之役倍秦越舊斤斧之聲
畚插之勞歲月不息蓋騁其邪心以誇天下也
魯孔子作春秋築一臺新一門必書於經謹其
廢農時奪民力也今哀採秦漢以來宮殿門闕
樓觀池苑在關輔者著於篇曰三輔黃圖云東
都不與焉

歷代宮殿名一卷

舊鈔本

翰林學士承旨太中大夫守工部尚書知制誥上柱國臣李昉等奉聖旨纂

元和郡縣圖志四十卷

影寫宋清熙刊本舊藏

惠定宇

唐金紫光祿大夫中書侍郎同中書門下平章事兼集賢殿大學士監修國史上柱國趙國公臣李吉甫撰

自序

右元和郡縣圖志四十卷唐宰相李吉甫所上也吉甫病古今地理家著錄不得其要獨取蕭何收秦圖書而究天下阨塞戶口多少者以為準則則不待詳閱其書而其體要卓然可紀也已吉甫再相蓋元和六年此志自載其所常建

白者二事改復天德舊城則在八年更置宥州
於經略軍則在九年是年十月吉甫遂薨于位
則是書又其當國日久乃始纂述此於唐家郡
縣疆境方面險要必皆熟按當時圖籍言之最
爲可據又其言曰志凡四十七鎮鎮皆有圖冠
其篇首故以圖志名之圖今亡矣獨志存焉耳
憲宗經略諸鎮吉甫實贊成之其於河北淮西
悉嘗圖上地形憲宗得以坐覽要害而諭定策
畫者圖之助多也惜乎其不存志傳寫久有闕
逸又譌誤不敢強補謹書其有益者以示可傳

而已
淳熙二年五月一日祕書少監臣程大昌

謹敘

張幾仲帥襄陽且行謂余曰以余之好異書知
世間有甚欲之而無其力者矣之鎮苟暇期取
古書有益者刻本而布傳之庶其費寡而人可
得是亦一爲政也祕藏多書益選擇見授子思
之有元和郡縣圖志者其所記地理多唐家制
度本朝疆理天下率多本唐則是書之備稽究
特與今宜予嘗卽蓬山藏本之末敘列其所以
可傳者矣苟欲該惠夫人則莫此爲要遂錄寄

之以遂其雅好幾仲名子顏今以敷文閣待制在鎮淳熙二年至日新安程大昌泰之書

右元和郡國圖志四十卷目錄二卷唐元和八年丞相李趙公吉甫所上也後三百六十有三年今京西牧待制張公幾仲始刻板於襄陽幕府按新唐藝文志著錄是書爲五十四卷會要析而兩之一曰州縣郡國圖三十卷一曰郡國圖其卷與新志同皆冠以元和三者了不相似以今所刻證之皆非也地理之最真切於圖書周官職方氏掌天下之圖要周知其利害沛公

入關蕭何收秦丞相府圖籍具知阨塞戶口多少疆弱處基漢爲雄光武與鄧禹論天下郡國又披輿地圖乃克見則不出戶庭而九州萬里在吾目中如策馬并轡援衣挈領舍此誰則然方趙公爲相疆藩悍帥徂正元餘習擅地自予朝廷莫敢訶而能以期年間易三十六鎮魏田季安病公請以滑任薛平戍重兵邢洺因圖上河北險要憲宗張於浴堂門壁每歎曰朕日按圖信如卿料則其所著書蓋已見之行事矣豈直區區紙上語而已哉幾仲先忠烈王勛在彝

鼎爲中興社稷臣幾仲濟美稱家文史聲猷有
晉宋勝流風度方守國西門雍容緩帶躡叔子
元凱故蹟一旦天子讀此書悼河山之獨西想
燕冀而忼慨睠爲北顧思有所出趙營平不必
馳至金城圖上方畧馬伏波不必聚米爲山指
畫形勢幾仲知之矣予願拭目焉本作書之旨
則趙公之敘固在今揭于篇首淳熙三年十一
月番陽洪邁書

子顏少有四方志逮長益篤比年數被上委使
尋復領符襄州奏事便殿上諭曰馳驅原隰爾

素志也顧昧陋何以克承玉音泊至郡每登峴
山撫中原未始不歎息久之思有以自効者浩
不知其涯焉會故人程刑部寄元和郡縣圖志
閱之矍然有感仰惟明主扼天下之先制羣生
之命者不在茲乎亟用版傳以資有志者籌贊
恢拓之業又得程洪二鉅公題品詳贍斯文爲
不朽矣管司馬子長南游江淮上會稽探禹穴
闕九疑涉汶泗東觀齊魯孔子之遺風西使巴
蜀以還周覽山川故其爲文廣博馳騁古今愚
不敏詎敢擬一二唯欲勉馳驅之素志竭緜薄

于異時益有務于是書亦報上之一云淳熙三年十二月朔旦上奏張子顏書

案此影宋鈔本為惠定宇舊物卷中有惠棟之印白文方印定宇朱文方印紅豆書屋白文方印

元和郡縣圖志四十卷

舊鈔本

洪稚存舊藏

唐金紫光祿大夫中書侍郎同中書門下平章事兼集賢殿大學士監修國史上柱國趙國公

臣李吉甫撰

自序

程大昌跋

淳熙二年

又跋

洪邁跋

張子顏跋

太平寰宇記一百九十三卷

舊鈔本

宋朝奉郎太常博士直史館賜緋魚袋樂史撰
臣聞四海同風九州共貫若非聖人握機蹈杼
織成天下何以逮此自唐之季率土纏兵裂水
界山窺王盜帝至於五代環五十年雖奄有中
原而未家六合不有所廢其何以興祖龍為炎

漢之梯獨夫啟成周之路皇天駿命開我宋朝
太祖以握斗步天掃荆蠻而榦吳蜀陛下以呵
雷叱電蕩閩越而縛并汾自是五帝之封區三
皇之文軌重歸正朔不亦盛乎有以見皇王之
道全開闢之功大其如圖籍之府未修郡縣之
書何以頌萬國之一君表千年之一聖眷言闕
典過在史官雖則賈耽有十道述元和有郡國
志不獨編修太簡抑且朝代不同加以從梁至
周郡國割據更名易地暮四朝三臣今浚波討
源窮本知末不量淺學撰成太平寰宇記二百

卷并目錄二卷自河南周于海外至若賈耽之
漏落吉甫之闕遺此盡收焉萬里山河四方險
阻攻守利害沿革根源伸紙未窮森然在目不
下堂而知五土不出戶而觀萬邦圖籍機權莫
先於此臣職居館殿志在坤輿輒撰此書冀聞
天聽誠慙淺略仰冒宸嚴謹上朝奉郎太常博
士直史館賜緋魚袋臣樂史

輿地紀勝二百卷

影寫宋刊本
刊本影寫

從錢塘何氏藏宋

宋東陽王象之編 缺三十二卷

王象之序

嘉定辛巳

田安林藏書
李直序

寶慶丁亥

□鳳劄于

直齋書錄解題曰輿地紀勝二百卷知江甯縣
金華王象之撰蓋以諸郡圖經節其要略而山
川景物碑刻詩詠初無所遺行在宮闕觀寺寔
冠其首關河版圖之未復者猶不與焉眉山李
說齋季允爲之序

張氏金吾曰是書敘述詳核採摭繁富凡沿革
風俗形勝景物古迹官吏人物仙釋碑記詩文
分門臚載上可作攷證地理之資下可爲登臨

題詠之助其所引書如國朝會要中興會要高
宗聖政中興遺史等書皆傳本久絕藉此得攷
見厓畧伏讀

欽定四庫全書總目云王象之有輿地紀勝二百卷
今未見傳本則亦佚久矣此本從宋雕本影寫
闕卷十三至十六卷五十一至五十四卷一百
三十五至一百四十四卷一百六十八至一百
七十三卷一百九十三至二百共闕三十二卷
新編方輿勝覽七十卷 宋刊宋印本

宋建安祝穆和父編

輿地有書尚矣自上世九丘既逸而夏之禹貢周之職方燦然明備至秦郡縣天下兩漢遂有地理郡國志歷代多做之唐圖十道皇朝志九域皆是物也然秉筆紀載實難文獻不足無以參稽而互攷非足履目睹則真贗詳畧何從信之司馬遷貫紬經傳旁採子史又聞長老之所稱而必觀九江望五湖闕四海行淮泗而後成河渠之書東方朔誦詩書二十二萬言三冬文史足用又隨師踐赤縣遊五嶽行澤陂息名山猶以所見參酌山海經而後神異經十洲記始

作學問不博聞見不廣涉歷不親而欲會集四海九州山川風俗土產景物人材文章名數沿革之詳特誣而已建陽祝穆和父本新安人朱文公先生之母黨也幼從文公諸大賢游性溫行淳學富文瞻雅有意於是書嘗往來閩浙江淮湖廣閒所至必窮登臨與予有連每相見必孜孜訪風土事經史子集稗官野史金石刻列郡志有可採摭必晝夜鈔錄無倦色蓋爲紀載張本也且許異日成編當以相示如是者累年近訪予錢塘馬城之竹坡曰編成矣敢名以方

輿勝覽而鉅梓以廣其傳庶人人得勝覽也君幸爲序以冠其首予不視所載辭簡而暢事備而核各州風物見於古今詩歌記序之佳者率全篇登入其事實有可拈出者則纂輯爲儷語附於各州之末較之錄此而闕彼舉畧而遺全循訛而失實泛濫於著述而不能含咀其英華者萬萬不侔也信乎其爲勝覽矣學士大夫端坐窗几而欲周知天下操弄翰墨而欲得助江山當覽此書毋庸他及所謂執璫璣以觀大運據要會以觀方來不勞餘力盡在目中信乎其

爲勝覽矣雖然我瞻四方禹迹茫茫思日闕於先王慨未歸於故疆必也志存乎修攘步極乎亥章使我和父涉歷彌長聞見彌詳紀載益鋪張而勝覽益輝煌是乃爲邦家之光予尙得以攫攘其旁嘉熙乙亥良月望日新安呂午序始予游諸公閒強予以四六之作不過依陶公樣初不能工也其後稍識戶牖則酷好編輯郡志如耆昌歎予亦自莫曉其癖所至輒借圖經積十餘年方輿風物收拾畧盡出以諭予友乃見譏曰還如食小魚所得不償勞予恍然自失

益蒐獵古今記序詩文與夫稗官小說之類摘其要語以附入之予友又喈曰天吳與彩鳳顛倒在短褐子復愧其破碎斷續而首末之不貫也又益取夫鉅篇短章所不可闕者悉載今文大書以提其綱附註以詳其目至三易稿而體統粗備予友亦印可焉予猶未欲以爲然也既又攜以謁今御史呂公竹坡先生幸不斥以狂僭辱爲之序 不足以當也嗟夫管者孔子嘗曰爲命裨諶草創之世叔討論之行人子羽修飾之東里子產潤色之夫以一命令之出猶更

四賢之手矧予陋聞謏見徒以兩耳目之所及而欲該天下之事物物坎蛙窺天其不量甚矣雖然世有楊子雲必知是編之不苟豈直爲四六設哉若夫網羅遺逸啟發愚蒙予方有望於博雅君子嘉熙乙亥仲冬旣望建安祝穆和父書

案是書明以後未見刊本此宋刊宋印每葉十四行每行大字十四字小字雙行每行二十三字每葉左線外標篇名當是宋季麻沙刊本呂午序書學東坡頗爲神似

右地理總志之屬

嚴州重修圖經三卷 宋刊本

宋重刊撰陳公亮劉文富重修

周官職方氏掌天下之圖周知其數要漢得秦圖書具知天下阨塞戶口多少強弱處光武中興按司空輿地圖以封諸子歷代放周遂以職方名官至唐立制凡地圖命郡府三年一造與版籍偕上省國朝定令閏年諸州上地圖大中祥符四年詔儒臣纂修圖經頒下州縣俾承之距今百二十有八年矣其閒州各有更易軍制

有升降戶口有登耗賦稅有增損毀皆不同而又艱難以來州縣唯利歛是急趣具目前閏年之制寔以不舉蓋職方之職廢也紹興七年弁來承乏嘗訪求歷代沿革國朝典章前賢遺範率汗漫莫可取正詢之故老則曰是邦當宣和庚子盜據之後圖籍散亡視他州尤難稽攷乃喟然歎曰惟嚴爲州山水清絕高賢之遐躅久以輯睦得名今因嚴陵紀號自唐爲軍事州藝祖開基首命太宗爲睦州防禦使先帝政和中悉哀錄祖宗潛藩之地詔升其軍爲節度旣而

出節少府以授今上嘗以親王道臨鎮焉其後
繼世以有天下實太宗蓋是邦而爲真主興王
之地其視少康之綸漢文之代有不足道則地
望顧不重哉而況歷代以來文人才士閒出於
其地勳賢鉅公來爲牧守者相望也庸可以勿
紀乎於是因通判軍州事豫傳有請乃屬僚屬
知建德縣事能道州學教授朱良弼主建德縣
簿汪勃主祠廬縣簿賈廷佐及郡人前漢陽軍
教授喻彥先相與檢訂事實各以類從因舊經
而補緝廣新聞而附見是邦之遺事略具矣豈

特備異日職方與閏月之制抑使爲政者究知
風俗利病師範先賢懿績而承學晚生覽之可
以輯睦而還舊俗宦達名流望之可以全高風
而勵名節詎小補也哉至於紀錄尙或未盡則
以俟後之君子紹興己未春正月壬午知軍州
事董彝序

先王盛時封建未壞井地旣正疆理修明千八
百國廣各有王地之圖以周知其地域大司徒
所掌是已且司徒掌邦教之任而乃下兼職方
之事其亦有說歟蓋民之情性有剛柔輕重遲

南齊書卷二十九
速不同不辨其宜而施教焉則有杆格而不相入者是以修其教不易其俗齊其政不易其宜逮秦人罷侯置守亦各有圖漢人入關所收財知阨塞而已司徒辨五地十二壤而施十有二教之制無有也漢氏去古未遠不能復先王之制而郡國雜治況復世去先王益遠而曰復古不其疎乎國朝沿唐郡縣之舊而其經理視唐尤爲盡善大中祥符三年十二月丁巳詔獎翰林學士李宗鷟等上新修諸道圖經由是圖繕大備而嚴之爲州自東漢建安中至是適八百

年矣其遷徙廢置詳載於經郡有板本中更遺漏不存淳熙甲辰太守陳公公亮下車之初憫其廢墜而未暇也逾年時和年豐訟簡刑清百廢具舉課最之餘因取舊經命文富訂正之將再鋟諸木竊惟此邦之俗舊號輯睦因以名州可以無事治不可以多事理所謂安於簡易之政擾之則生事是已自公之開府將再葺矣一以寬政理惟頑民黠吏始繩之以法故邦人甚安之因其俗而施其教公已得之此其文可書者若夫民數之登降財賦之贏縮軍藉之去畱

公館之興廢是則因之否則革之特其粗爾故書其大者以告後之爲政云歲在丙午正月丁未迪功郎州學教授劉文富謹序

案是書原本八卷今存卷一至卷三每葉二十行每行二十字板心大黑口直齋書錄解題所云新定志八卷郡守東平董弁令升撰紹興己未也淳熙甲辰武義陳公亮重修者卽此書也首載建隆元年太宗初頒防禦使詔宣和二年太上皇帝初授遂安慶源軍節度使詔及敕書宣和四年遂安慶源軍節度使康王榜文一道

建炎二年聖旨一道次爲建德府城圖二葉嚴州全境圖七葉每卷有松雪道人朱文方印嚴蔚豹人白文方印嚴蔚白文長印二酉齋藏書朱文長印餘詳儀顧堂集

四明圖經十二卷 舊鈔本

宋張津等編

山海有經輿地有圖郡邑有圖經此古今所共由而一日所不可闕者也蓋天下之阨塞戶口之多寡不有載藉以著其所以然則所謂阨塞多寡者雖欲具知而不可得此博古之士所以

勒成一書以昭後世而傳無窮也爰自大觀元年朝廷創置九域圖志局命所在州郡編纂圖經於是明委郡從事季茂誠等撰述故地理之遠近戶口之主客與夫物產之異宜貢賦之所出上而至於人物古跡釋氏道流下而至於山林江湖橋梁坊陌微而至於羽毛鱗介花木果蔬藥茗器用之類莫不畢備書成未幾而不幸厄於兵火遂使存者亡全者燬前日之所成者泯然而不見制置直閣張公治明之二年政成民和郡以無事適登黃堂而歎曰明之爲郡亦

久矣在古爲餘姚之墟在漢爲會稽之境逮唐武德中而卽鄞置縣開元中而卽縣爲州山有四明洞有梨洲有孫興公見之於賦有梅僊虞喜之所廬有任奕董黯之人物有王密房琯之德政有建隆郡守康憲錢公億之墓有熙甯宰相荆國王文公之祠其他山川勝槩章章在人耳目者未易以縷舉而圖經則闕焉詎不可搜訪遺亡以補四明之故事也哉公乃分委僚屬因得舊錄更加採摭纂爲七卷又以篇什碑記等爲五卷附于其末噫年歷四十餘守更數十

政其間非無銳意立事欲作爲一書垂之永遠者或因循未暇今公啟是念於黃堂之上財六旬而編帙粲然大備鳩工刊木昭示將來信乎天下事非立志堅而用意到疇能有成哉乾道五年右修職郎新處州縉雲縣主簿主管學事三山黃鼎序

案張津里貫無攷乾道三年以右朝散大夫直祕閣知明州兼主管沿海制置司公事舉鄉飲酒禮率僚佐與卿士大夫及他方之流寓者敘齒會拜於講堂時惠光寺有妖僧塑神像納老

烏於腹以術咒之以邀利津追妖僧至庭下具得姦狀剖像果有烏焉逐之境外民以安息見萬姓統譜是書 四庫未收各家書目均未著錄此舊鈔本語涉宋帝皆提行蓋從宋本鈔出卷一總敘明州卷二鄞縣卷三奉化卷四定海卷五慈溪卷六象山卷七昌國州卷十至十一詩文卷十二則太守題名記進士題名記也乾道臨安志殘本三卷 舊鈔本

宋周宗撰

厲氏手跋曰乾道臨安志十五卷宋臨安府尹

吳興周滄彥廣所修也此宋槧本僅一卷至三卷無序目可稽觀其稱孝宗爲今上紀職官至滄而訖其爲乾道志無疑吾郡志乘之有名者北宋圖經久已無攷至南渡建爲行都則此志居首繼之以施諤淳祐志潛說友咸淳志皆爲宋人排攢余所見者祇有咸淳志百卷向藏花山馬氏吳君尺鳧鈔藏尙缺七卷趙君谷林復購得宋槧本之半固已珍如球璧今孫君晴崖從都下獲此志雖僅什之一二而當時宮闕官署城中橋梁坊巷具存職官始末更爲詳晰者

家儲藏著錄未有及此者滄尹京時撩湖濬渠綽有政績載在宋史其書更可寶也亟錄副本而歸之樊榭厲鶚跋

三山志四十二卷

鈔本

宋梁克家撰

余領郡暇日訪無諸以來遺蹟故俗聞晉太康旣置郡之一百一十三年太守陶夔始有撰記又四百五十六年至唐郡人林謂復增爲之皆散逸無存者獨最後一百九十二年本朝慶曆三年郡人林世程所作傳于世自言視前志頗

究悉然不過地理

士物產之大槩哀次

亦復缺畧迄今又一百三十九年興廢增改率非闕不書者十九矣追惟往督之事不可復記常以為恨至耳目所接謂未遽泯沒

則又不急於紀錄歲月因循忽莫省憶使來者復恨之斯古今為甚惜也乃約諸里居與仕於此者相與纂集討尋斷簡援據公牘採

諸長老所傳得之閭里所記上窮千載建創之始中閱累朝因革之由而益之以今日之所聞見厥類惟九靡不論載豈惟使四方知是邦於

是為盛抑鄉古者有攷焉書成為四十卷名曰三山志淳熙九年五月八日丁丑清源梁克家儀願堂集有跋

新安志十卷

舊鈔本

丁小疋舊藏

宋賜進士第中議大夫知鄂州軍府事新安羅願編

徽為郡自漢始至於今久矣圖經紀述其事宜詳也試攷之則遺缺而不備讀者恨焉此新安志所以作也不悔始將承乏此州而吏以圖經先至見其疎畧即有意於補次一日對眾客語

之客言新章貢倅羅君蓋志存於此者訪拾編摩蒐取附益用心勤且舊矣僕爲驚喜因請之卒業成一家書以表見於時於是新安志出焉上下千載間博採詳摭論正得失皆有據依釐爲十卷凡山川道里之險易丁口頃畝之息耗賦貢物產之闊陘以至州土吏治之風俗人材皆條理錯綜聚見此書曾無遺者嗚呼可謂盛也羅君儒學蚤馳雋聲惟其博物洽聞故論載甚廣而敘其事又有得立言之法讀者必能辨之趙不晦撰

新安在秦漢爲黟歙二縣漢末別於丹陽以自爲郡其山川風土則已見於中古矣漸江之水出於鄣山則章亥之所步禹之所錄也桐汭之地爲黟故境則楚子西子期之所爭並明之所記也至於漢氏兩以疏封骨肉爲諸侯王國又丹陽都尉之所理會稽太守之所遁皆斑斑著見至梁蕭幾爲新安太守愛其山水始爲之記又有王薦新安記唐有歙州圖經國朝太平興國中詔編廣記往往摭取之至大中祥符中頒李宗諤所修新圖經於天下則由前諸書廢不

顯而官府頃罹睦寇又失祥符所頒特鈔取計簿益之以里魁亭父之所隱實者編以爲冊餘五六十年矣私竊悼之間因閱前史及國典并雜家稗說有及此者稍稍附著後得祥符經於民間則綱目粗設益訪故老求遺事思輯爲一書然未果就會邦君趙侯聞之勉使卒業約敕諸曹遇咨輒報且徧諭屬縣網羅金石之文使得輔成其說而書出矣夫所爲記山川道里者非以示廣遠也務知險易不忘戒也其錄丁口頃畝非以覽富厚也務察息耗毋繇奪也其書

賦貢物產非以給嗜欲也務裁闕陋同民利也至於州土沿革吏治得失風俗之媿惡與其人材之眾寡是皆有微旨必使涉於學者纂之上世九州之志與三墳五典偕號爲帝王遺書而禹貢職方氏孔子定之以爲經若直鈔取計簿以爲書則凡吏之善書者足以次之矣其施於事也亦然若直據令甲以爲治則凡吏之無害者足以聽之矣蓋世常以此爲無事乎儒而儒亦卒不可廢於世也豈特此哉凡十卷名曰新安志侯帝室之胄父子昆季皆以文學取科第

其為政廉靖不擾人亦相與安之且去猶惓惓於吾土思欲表章之蓋有不可忘者矣淳熙二年三月癸未郡人羅願敘

方氏手跋曰本朝黃氏曾刻此書板近藏傅溪程氏而祕不示人小疋主人乃一旦得鈔本凡三而以一惠我蓋羅氏後裔所錄者此本字較工楷皆可貴也丙午六月下滌方輔書

新安志十卷

舊鈔本

宋賜進士第中議大夫知鄂州軍府事新安羅願編

自序

趙不晦敘

雲間志三卷

舊鈔本

宋楊潛撰

華亭為今壯縣生齒繁夥財賦浩穰南距海北瀕江四境延袤視偏壘遐障所不逮質之寰宇記輿地廣記元和郡國圖志僅得疆理大畧至如先賢勝概戶口租稅里巷物產之屬則缺焉前此邑人蓋嘗編類失之疏畧續雖附見於嘉禾志然缺遺尚多

元空

觀覽余謬領是邑雖口

困於簿書期會而此心實拳拳今瓜代有期不加討論以詔來者鞅鞅不滿若將終身焉於是元邑之博雅君子相與講貫疇諸井里攷諸傳記質諸故老有據則書有疑則缺有訛則辨凡百里之風土粲然靡所不載至若前輩詩文散落於境內者非一姑撫南渡以前者附於卷末書成而鈇墨公帑匱而莫能舉又得邑之賢士大夫鳩工助成是書也雖一邑之事未足以廣見聞異時對友朋則可以資談塵事君父則可以備顧問孰謂其無補歟紹熙癸丑仲冬旦日

奉議郎特差知秀州華亭縣主管勸農公事兼兵馬都監兼監鹽場主管堰事借緋楊潛謹序
雲間志三卷以紹熙四年六月編次十月書成預纂修者書氏名於左 從事郎新差監行在太平惠民南局朱端常 迪功郎新信州州學教授林至 迪功郎新饒州州學教授胡林卿 奉議郎特差知秀州華亭縣主管勸農公事兼兵馬都監借緋楊潛

學經室外集雲間志三卷宋楊潛撰見宋史藝文志按雲間卽今江南之華亭縣在宋時兼今

松江全郡之地此志體例繁簡得中不讓宋人
會稽新安諸志書成於紹熙四年而知縣題名
載至淳祐八年而止則張穎以下三十人是後
人所續又進士題名載至淳祐元年姚勉榜錢
拱之而止則慶元五年趙汝詒以下二十四人
亦後人續入也又載樓鑰等記竝為後人所增
攷之元徐碩至元嘉禾志華亭一縣全取是書
中語知潛此志為當時所重矣

韻宋樓藏書志卷三十

存齋雜纂之六

歸安陸心源剛甫編

史部

地理類二

吳興志二十卷

舊抄本

宋談鑰撰

唐人權載之序正元十道錄謂言地理者獨魏
公且因許其經濟遠大之業及觀魏公所論六
典地域之差次四方貢賦之名物與夫州郡廢
置山川險阻無一不備然後知載之不妄許可

今州縣之編雖與並載寰宇者不類條目纖悉亦豈易爲苟非其人則詳略勿當是非雜糅何以信後吳興東南最盛處于今爲股肱郡山水清遠人物賢貴宜有大手筆以志其寔左文質統記或謂失之猥并李宗諤所上圖經勝于此者又未免簡脫之病顧方欲請于郡一日太守李公郎中偶自言及是且謂郡有博物君子談君監簿慨然以此自任今書成以鋟木之資屬歸安周令未幾李公詔還富公寺正來繼又捐金以竟之甚盛事也兆於談君乃同年進士喜

是編出其手因從周令借觀始知郎中除日已屬意乎此大概本舊志參正史補遺訂誤無一不滿人意列二十卷卷各有目數千百年間事了然不疑三輔黃圖殆不是過蓋嘗謂人之筆力根于天性充于學問猶運舟挽鈞力有分量弗可強勉紹興以來亦有好事者續圖經續編志非不盡力如震州荻塘之辨卒亦聽訛而止吁談君誠良史才奚可多得會將推平素學獻華夷編經理中原如指諸掌兆淺學寡聞非敢自齒于權載之列談君事業當超出乎唐魏公

之上於以見是編更數君子而後定歷二賢守而後傳是豈無待而然哉嘉泰改元臘月郡丞廣信傅兆敬序

書錄解題吳興志二十卷樞密院編修郡人談鑰元時撰嘉泰元年也其為書草率未能盡善案談鑰字元時歸安人淳熙八年進士新湖州府志有傳原本久佚此從永樂大典錄出中間有明志竄入陳直齋雖譏其未能盡善然宋以前遺文逸事為勞鉞王珣張鐸栗祁諸志所未收者甚多足為攷古者之助

會稽志二十卷

明正德刊本

宋施宿等撰

陸游序

嘉泰元年

紹興府今刊會稽志一部二十卷用印書紙八百幅古經紙一十幅副葉紙二十幅背古經紙平表一十幅工墨錢八百文每冊裝背文右具如前

嘉泰二年五月

日手分俞澄王思忠具

安撫使司校正書籍傅樞

會稽志二十卷

舊抄本

宋施宿等撰

陸游序

會稽續志八卷 舊抄本

宋張湜等撰

會稽志作於嘉泰辛酉距今二十有五年夫物有變遷事有沿革今昔不可同日語也況城府內外斬然一新則越又非曩之越矣苟不隨時紀錄後將何所攷昔虞翻朱育答郡太守問會稽古今事應對如流纖悉弗遺當時但嘆其殫洽殊不知二公皆人望也其習熟有非一日湜

雖世本中原僑寓是邦蓋有年矣山川風土之詳人材物產之富與夫事物之沿革變遷曩嘗訪聞茲又目擊於越事亦粗稔懼其久而遺忘輒哀輯而彙次之總為一編曰會稽續志所書固辛酉以後事而前志一時偶有遺逸者因追補之疎畧者因增廣之譌誤者因是正之異時有問我以越事敢執此以謝寶慶元年三月旦日梁國張湜序

嘉定鎮江志二十二卷 抄本

宋盧憲撰

直齋書錄解題曰鎮江志三十卷教授天台盧憲子章撰

張氏金吾曰原書不著撰人名氏按直齋書錄解題載盧憲鎮江志三十卷是書卷五寬賦有憲謹釋曰云云卷二十一雜錄有憲竊謂云云卷二十二人物雜記有盧憲論曰云云則是書為憲所撰無疑卷十學校載嘉定癸酉教官盧憲謁廟事則志當成于此時若卷五常賦載及嘉熙寶祐景定德祐時事蓋後人所增入者首敘君終拾遺凡七十三門而以郡縣表冠首體

例謹嚴採摭繁富所附按語鉤稽考核亦極精密兩宋遺文所載尤夥考京口文獻者要必以是書稱首焉

刻錄六卷 影寫元刊本 明吳方山舊藏

宋高似孫撰

刻錄十卷 文瀾閣傳抄本

宋高似孫撰

山陰蘭亭禊刻雪舟一時清風萬古冰雪王謝抱經濟具二戴深經學奈何純曰高逸也嗚呼山川顯晦人也人顯晦天也天下多奇山川而

一禊一雪致有爽氣可謂人矣江左人物如此
然二戴剡王謝亦剡孫阮輩又剡非天平漢迨
晉永和六百餘年右軍諸人乃識剡永和至皇
宋嘉定幾千年史君尹剡訪似孫錄剡事剡始
有史桑欽水經酈道元注道元魏人先儒辨其
北事詳南事略似孫鄮人也如其精覈俟剡人
朱嘉定甲戌高似孫序

剡在漢爲縣在唐爲嵎州未幾復爲縣本朝宣
和間以剡爲兩火一刀不利於邑故更今名邑
舊有鄉四十後分十有三別爲新昌縣今所存

纔二十七鄉耳夫州縣之名雖數變更然山川
之靈蓋自若也使剡古而有志則歷代因革廢
興之典百世可知也予懼夫後之視今亦猶今
之視昔故爲剡錄十卷錄皆高氏所作凡山川
城池版圖官治人傑地靈佛廬仙館詩經畫史
草木禽魚無所不載度此板可支百年後之人
母以印刊而輒廢斯書也宋嘉定八年歲次乙
亥縣令鄞人史安之序

赤城志四十卷

明宏治刊本

錢竹汀舊藏

宋陳耆卿撰

圖牒之傳尙矣今地踰萬里縣不登萬戶亦必有成書焉矧以台爲名邦且稱輔郡綿涉千歲迭更數百守而闕亡以詔難之歟抑因陋襲簡不暇問歟蓋昔有守四人嘗厘其力於斯矣如尤公表唐公仲友李公兼類鞅掌不克就最後黃公當辱以命余偕陳維等纂輯焉會黃去匆匆僅就未備也束其藁十年矣更久則非惟不備而併與僅就者失之今青社齊公碩始至欲迄就未暇踰年報政遂復以命余於是郡博士姜君容總權之邑大夫蔡君範以下分訂之又

再囑陳維及林表民等採益之既具余爲諭沿革詰異同劑鉅纖權雅俗凡意所爲解者恃故老故老所不能言者恃碑刻碑刻所不能判者恃載籍載籍之內有漫漶不白者則斷之以理而折之於人情事立之凡卷授之引微以存教化識典章非直爲紀事設也如是者半載而書成嗟夫同是州也非可成於今不可成於昔也或曰有時爾昔歐陽公論學慨述吏道以爲有司簿書之所不責者謂之不急夫豈惟學哉語以圖牒非不急之尤者邪然而莫奧於圖牒莫

渫於簿書有司之所不急固君子所急也今公之爲政也剖叢滌煩燭幽洞隱於有司所急者誠井井矣而於君子所急者尤卷卷焉用能以半載之間紉千歲之闕增十年之未備洗數百守之因襲成四人之厘嗟夫此豈以其時哉書成者時也所以成者公之志也其志立則時赴之矣無其志而曰需其時者吾未之聞也豈惟一圖牒爲然天下事皆然嘉定癸未十一月旣望郡人陳耆卿序

今天下郡縣皆有紀錄台獨爲缺典問之故府

則知前乎此者蓋嘗會粹而疎畧未備也碩承乏之初固竊有志而事力有所未暇越明年歲以稔告郡家租 支吾於是命郡博姜君廷集人士相與討論而屬事於篋窗陳君閱數月而後成書吾州在浙左爲佳 孫興公一賦則知山川之美實甲東南况自晉 今前後曳組於此多一時名勝士至於騷人墨 搜奇挾秀皆班班可攷然則是書之作豈特可以 氏之闕雖山川人物亦將由是而發揚 其爲益於台也深矣嘉定十六年

青社齊

缺

謝鐸重刊序

宏治丁巳

錢氏手跋曰此志成於嘉定十六年而第三十三卷載史嵩之鳩杜範事乃在其後廿有餘年文詞亦絕不類蓋明人以意竄入決非壽老元文吾安得見宋槧本而一刊正之乎辛酉六月竹汀居士錢大昕假讀并記

海鹽澉水志八卷

明刊本

宋常棠撰

嘗謂六典不作無以攷周家風土之厚薄民物

之耗豐圖籍不收無以知秦人山川之扼塞戶口之強弱此澉水之志不可無也澉水斗大一隅厥土斥鹵凡邱源之流峙稅賦之重輕道塗之遠近聚廬之眾寡與夫選舉名數先賢遺跡素乏圖經茫無可攷叔韶效官于茲甫及半禩正欲搜訪輿理爲紀載史事鞅掌未暇也竹窗常棠字召仲寓居是鎮一日告余曰郡有嘉禾志亦有武源志其載澉水之事則甚略焉使不討論聞見綴緝成編則何以示一鎮之指掌於是正訂稽攷集作一經名曰澉水志者蓋水經

所載谷水流出爲澈浦者是也召仲其容辭紹定三年重陽前一日修職郎監嘉興府海鹽縣澈浦鎮稅兼煙火公事羅叔韶序

紹定三年鎮尹羅儀甫屬余撰澈水志雖一時編集大略而儀甫滿去竟弗暇聞逾七八政粵歲旣久訂正尤詳因見邊孫君來此聽訟優長遇事練熟雖鎮場廢壞非疇曩比然能公謹廉敏明燭隱幽才幹有餘趁辦自足爰割已俸售募鑄行水軍袁統制聞而喟然曰是書不刊于鎮稅全盛之時乃刊于鎮稅凋弊之後甚可嘉

已銳捐梓料肅贊其成噫元和郡縣志丞相李吉甫所制也後三百餘年待制張公始刻于襄陽今余所編澈水志後二十七禩權鎮孫君卽鏤於時阜則是書之遇知音不又大可慶耶竹窗常棠

淳祐臨安志六卷

舊抄本

吳兔牀舊藏

宋施鐔撰

張氏金吾曰原書卷數無攷今存城府山川兩門自卷五至卷十凡六卷題稱臨安志無淳祐字樣亦無撰人名氏伏讀四庫全書總目

云周淙創爲臨安志其後淳祐間施鶚咸淳間
潛說友歷事編纂皆有成書今惟潛志尙存鈔
帙周施二志已無傳云云是書所載事迹至淳
祐止稱理宗爲皇上其爲施志無疑序述簡雅
徵引該洽所引祥符圖經宋代已佚藉此得稍
存崖略遺文逸詩多有咸淳志所未載者書雖
殘闕亦足爲攷證之資也

城府小序曰自古圖謀所載郡國必繫之於山
蓋陵谷之變遷不常而城邑之更易亦異山則
終古表立而攷論輿地者恃以爲識焉錢塘舊

治武林山猶云逼江則今之湖固與江通也華
信作塘乃徙平地則已漸爲陸矣若沙河漾沙
坑與所謂壩頭之類皆古水所及也隋代始州
於柳浦西依山築城嘗慨然求所謂柳浦者已
不可攷而依山所築則今之鳳凰山也治前武
林山治後鳳凰山兩山之間昔水今陸豈非天
所以啟神明之奧乎厥今商邑翼翼四方之極
巍巍煌煌不可尙已抑嘗聞長安之都八街九
陌相爲經緯中爲馳道無得輒行而左右升降
有上下之別是知壯麗以重威矣亦知京兆爲

郡國首矣然馬彥歷舉高結大袖之謠以爲雖或吏不奉法良由慢起京師周良有言尙方今造一物小民明已瞬睨宮中朝製一衣庶家晚已裁學然則所謂爲四方極爲郡國首者要必有在而天造地設以成神皋盛大之勢已非一時一世所積又如其不易然也故具論之敘

城府第三

山川小序曰蓋嘗登天目山憑仙壇石屋見山皆西南馳雙溪並趨而合于於潛縣岸粵似少駐回望天目曾雲中如沉雄古大將按轡其後

山大勢不可遏少決驟已抵臨安縣大官山者直培塿耳循而至九鎖山蓋略爲盤礴環以天柱諸峯若蹙止息者已而轟赴餘杭下武林靈隱山始韶秀而山於是左右分北高峯左轉抵葛嶺下標以保叔塔右轉一支挾南山標以雷峰塔二塔爲西湖門戶而山特派起爲南高峰捷以八蟠慈雲諸嶺翼爲七寶鳳凰山昂頭布尾若翔而集前界大江乃止吁亦誠異矣猶未爲異也又嘗自黟歙諸山循行括蒼天台皆魁岸嶄特至沃州下嘒嶺山漸平衍薄雲門會稽

浸以鏡湖纔少舒暢文巒細嘯靡靡至西陵所謂越王山者旁率諸山咸聳亦畧江而止吳越兩山於是相主賓而淞河衡貫焉然後瞿然嘆曰山川無情也而天以是爲巧天非能巧也而氣以是爲會然則氣之所會天不知其爲巧山川不知其爲情彼大行黃河嵩洛雍渭之勢可坐想也夫杭之山川其美眾矣大較當以是觀之敘山川第四

黃氏手跋曰今歲夏秋之交賈人從乍浦韓氏得書數百種盛稱中多舊志書大都皆余所有

不復過問惟相傳有臨安志六卷本余甚疑之蓋乾道則太多咸淳則太少遂就賈人處索觀其書卷中所志淳祐而止余曰是必施諤淳祐志也賈人初不知因余言遂信之擬與交易云已售出惜未歸之頃晤簡莊知是書在彼是外府之藏也常倩胥錄其副一時同人賦詩紀事簡莊倡而兔牀與余和之詢爲執林佳話云己季冬十有一日復翁書於石泉古舍

陳氏手跋曰吾杭在南宋建都爲臨安府其志凡三修一爲乾道時周淞撰一爲淳祐時施諤

誤

四庫書目提要作施鏐杭莖浦厲樊榭咸一消志跋作施鏐今黃蕘圃與余定作施譔

為咸淳時潛說友譔乾道志十五卷久佚同郡孫晴厓從都下得宋槧本止三卷余曾錄副本咸淳志百卷秀水朱竹垞從海鹽胡氏常熟毛氏先後購得宋刻八十卷又借鈔十三卷尙缺七卷後歸吾鄉馬氏道古樓收藏錢塘吳繡谷購鈔其半繼而竹垞孫稼翁又以宋槧十七冊售于同郡趙氏小山堂趙氏復從吳本補錄其餘未及裝整卽歸王氏寶日軒又轉歸于吳氏存雅堂乾隆三十八年正月歛鮑綠飲從平湖

高氏得宋槧本二十二冊中間節次缺失而盡于八十一卷每冊有季滄葦圖記據綠飲跋云內第四卷至九卷實季氏補鈔中傅理宗爲今上應是施愕淳祐志屢入餘二十冊紙墨精好較勝趙氏本而六十五六兩卷又竹垞所未見也因折去季氏補鈔施志六卷就趙本補錄通得九十五卷未幾歸于吾鄉吳氏拜經樓餘姚盧氏抱經堂嘗從吳氏借鈔今爲余所得者也近客吳中有持書自來者云平湖韓氏出售中有臨安志四冊因與黃君蕘圃亟取觀之書凡

六卷所列山川城府二門雖編爲卷一至六然前尚有缺卷其紀載至淳祐十一二年止避諱亦僅及理宗其爲淳祐志無疑殆卽從季氏本轉錄者乃以厚價收之攷直齋書錄文獻通考及宋史藝文志皆不著錄而施之字里出處亦未詳明其時知臨安府事者爲趙與憲志中備載其建置倉敖設育嬰堂濬西湖開運河諸善政按宋史云與憲所至急於財利幾於聚斂之臣而盧熊蘇州府志偶其知平江適郡中饑分場設粥全活數萬人再守郡行鄉飲射禮于學

宮復修飾殿堂齋廬廣弦誦以嚴教養弟子爲立生祠熊之言當有所受則志亦未必虛譽兼可以證史傳異文書雖不全良足寶貴遂與乾道咸淳二志共藏目爲宋臨安三志并賦詩紀事嘉慶十有四年冬十有二月海甯陳鱣書

淳祐玉峯志三卷續志一卷

舊抄本

宋陽羨凌萬頃陳留邊實撰**續志****宋**陳留邊實撰

崑山爲吳壯邑地險而俗勁田多而賦重凋弊積有年矣故於稽古載籍之事多缺焉攷之吳

郡志雖附書一二其詳不可得而聞公澤承乏
學製每與鄉校諸友議斯缺典欲網羅補苴然
方有公事未皇也直學凌君掌儀邊君俱有俊
譽慨爲已任搜訪掇拾斯已勤矣地理標名財
賦之件目嘗與參訂至若廢置因革人物異聞
視昔爲詳將求印證於多識前言往行者俄及
瓜懼失其傳而二君之勞孤矣始鉸諸梓以俟
方來庶知今者果不謬古者猶可質云淳祐壬
子中和節東嘉項公澤謹跋

郡縣必有志獨崑山無之豈前人之長不及此

哉期會之事有急於此則謂之不急也亦宜然
往無所稽來無所據識者每以爲歎永嘉項公
出宰茲邑百廢具興一日下叩圖經事以萬頃
嘗輯敘一二蓋畧焉而未備也掌儀邊君尤勤
於搜訪遂相與編次期年乃成本古今郡志所
附而益以耳聞目見之可攷者大槩公之修創
增益爲多昔人以笏比甘棠後之覽者猶笏然
則是志爲不徒作矣博雅之士尙訂正之松臞
凌萬頃叔度書

玉峯有志尙矣淳祐壬子編類於邊君直學之

筆刊鏤傳信距今逾二十稔咸淳壬申余捧檄
代庖斯邑繙閱是書頗有遺佚若派買之公田
撥隸若學校之創主學建直舍或述前輩之詩
而曰載諸雜詠者爲不見全璧之歎或題掄魁
之名而不編入人物者有幹乘周鼎之疑是皆
累於時之所不及失於見聞之所不逮耳余因
以續志屬之邊君邊君曰某有志於此久矣敢
不自力乃會粹古書搜覽今籍三閱月而書成
增入者三十餘條改定者二十餘條混混乎風
土之攸宜總總乎事物之備舉理該文核綱舉

目張其長公訓導銓釋雜詠亦一新之余重鄉
拜觀不忍釋手謹命工繡梓以壽其傳後之覽
者與吾同志嗣而續之庶斯文之不泯也是歲
中秋日合沙玉淵謝公應謹書

石湖先生志吳郡嘗與龔滕周三君子相詮次
有某人持其事求人志不得遂譁曰志非石湖
筆也石湖嘆不辨崑志之作向出於二人之手
事詞或未一今夏不揆續修將以釐前誤而紀
新聞或有議其擅者其與議吳志者若相反焉
於此可以知後進之視先達天地之相遠絕也

於其鈇梓之畢書以自訟此意邊實謹書

學經室外集玉峯志三卷玉峰續志一卷宋凌
萬頃邊實同撰萬頃字叔度景定三年進士本
陽羨人因其父壻於崑山顏氏因家焉邊實陳
留人其高祖始遷崑山詳前志邊愔德傳而續
志又復爲自序一篇誇其家世玉峰本崑山地
宋南渡時始析爲縣卽今之嘉定是也志中所
載沿革風俗以及人物古蹟甚悉宋元時崑山
志乘世不多得是冊足備一方之文獻也

景定建康志五十卷

影宋抄本

王西莊舊藏

宋承直郎差充江南東路安撫使司幹辦公事
周應合修纂

郡有志卽成周職方氏之所掌豈徒辨其山林
川澤都鄙之名物而已天時驗於歲月災祥之
書地利明於形勢險要之設人文著於衣冠禮
樂風俗之臧否忠孝節義表人材也版藉登耗
攷民力也甲兵堅瑕討軍寔也政教修廢察吏
治也古今是非得失之迹垂勸鑒也夫如是然
後有補於世郡皆然況陪都乎昔忠定李公嘗
言天下形勝關中爲上建康次之自楚秦以來

皆言王氣所在句踐城之六朝都之隋唐而後
爲州爲府爲節鎮爲行臺五季僭僞睨消寔開
吾宋混一之基南渡中興此爲根本章往考來
圖志宜詳於它郡而乾道有舊志慶元有續志
皆略而未備觀者病之慶元迄今逾六十年未
有續此筆者寶祐丁巳光祖蒙恩來司留鑰因
閱前志編摩在念一年而勤民二年而整軍三
年而易閩荆州未暇也已未重來汲汲守禦補
尺籍治戰艦備器械固城池日不暇給未幾鼓
柁驚濤風餐露馳於舒蘄江黃之間往復無慮

數四元勳振旅長江肅清光祖始得少休于郡
興滯補弊之餘爰及斯文有幕客周君應合博
物洽聞學力充贍舊嘗爲江陵志紀載有法乃
以是屬之開書局于郡圃之鍾山閣下相與研
古訂今定凡例而哀篇佚先爲留都錄四卷隆
炎創興之盛宮城建置之詳與夫雲漢昭回之
章皆備錄焉揭爲一書之冠冕其次爲地理圖
爲侯牧表爲志爲傳合爲五十卷表起周元王
四年越城長干之時以至于今千七百載年經
類緯曰時曰地曰人曰事類之所由分也志凡

百字樓藏書志 卷三十一
十一曰疆域二曰山川三曰城闕四曰官守五
曰儒學六曰文藉七曰武衛八曰田賦九曰風
土十曰祠祀傳凡十一曰正學二曰孝弟三曰
節義四曰忠勳五曰直臣六曰治行七曰耆舊
八曰隱德九曰儒雅十曰正女大略備矣始于
三月甲子成於七月甲子獻之天子玉音嘉焉
用不敢閱傳之無窮補其缺遺續其方來則有
望於後之君子景定辛酉歲良月初吉觀文殿
學士光祿大夫沿江制置大使知建康軍府事
兼管內勸農營田使江南東路安撫使馬步軍

都總管行宮留守節制和州無爲軍安慶府三
郡屯田使暫兼淮西摠領金華郡開國公食邑
三千戶食寔封六百戶馬光祖書

進建康志表曰臣光祖言鍾阜帝王之宅忝備
居留職方土地之圖輒成紀載敬哀竹簡冒徹
楓宸臣光祖惶懼惶懼頓首頓首竊以紫蓋東
南執雄建鄴青山表裏景似洛陽吳晉以來皆
號京畿秦楚之間已占王氣洗前日六朝之陋
肇吾宋萬世之基歷數有歸太陽升而燭火息
神武不殺膏澤下而江水清爰重昇洲遂開節

百子樓藏書志 卷三十一
三
鎮嘉祐之進大國龍飛猶軫於初潛紹興之創
新宮馬渡喜逢於再造發天作地藏之勝著祖
功宗德之隆建邦設都非列城之能擬詔今傳
後豈鉅典之可虛臣叨佩玉麟密瞻銅鳳職在
承流而宣化法當章往而開來闡治八年而重
臨曷報恩徽之厚圖經三歲則一上敢違令甲
之嚴迺選幕僚恪修郡乘揭垣根而首錄昭弁
冕之常尊諸地諸邑訃城繼加銓次十表十志
十傳序列編摩四八萬言皆聚此書于七百禩
如指諸掌辨山林川澤之名物粹衣冠禮樂之

風流善有勸而惡有懲往者過而來者續茲蓋
伏遇皇帝陛下性明日月道整乾坤帝書九丘
言九州聖學夙深于稽古天下一日行一遍遠
模蓋得於傳家運藝祖仁皇高宗之心兼創業
中興太平之事既徹疆于江表行復境于關中
臣未能刊涪溪之碑且此效雍州之錄漢光投
戈講藝願益恢輿地之披周宣備器修車何但
美東都之會所有新修景定建康志五十卷計
四十六冊謹隨表上進以聞臣無任瞻天望聖
激切屏營之至臣光祖惶懼惶懼頓首頓首謹

言景定二年八月日觀文殿學士光祿大夫沿江制置大使知建康軍府事兼管內勸農營田使江南東路安撫使馬步軍都總管行宮留守節制和州無爲軍安慶府三郡屯田使暫兼淮西總領金華郡開國公食邑三千戶食寔封六百戶臣馬光祖上表

獻皇太子賤右光祖伏以龍盤勝地叨分居守之符鶴禁麗天輒獻職方之乘旣先塵於丹扆敢繼徹於青闈光祖惶懼惶懼叩頭叩頭惟建業之名區寔仁皇之潛邸前收圖於開寶聰明

神武不殺者夫後駐蹕於建炎險阻艱難備嘗之矣再造中天之業永垂萬世之基光祖筦鑰才卑寃旒恩大承流宣化改忘載筆之勤攷古訂今庶遂缺文之備恪遵著令悉上送官茲蓋伏遇皇太子殿下恭敬溫文賢聖仁孝行必正道宮中嘗務於觀書建以元良天下咸安於主器凡屬乾坤之內宜周日月之明光祖俯效編摩仰禱省覽星重輝海重潤益綿景祚之隆車同軌書同文行復輿圖之盛所有新修景定建康志四十五冊謹隨賤上獻瞻望宮庭下情無

任激切屏營之至光祖惶懼惶懼叩頭叩頭謹
牋景定二年八月 日具位馬光祖上牋

景定二年九月十七日恭奉聖旨宣諭茲披來
奏備見勤忱列郡志以著編總封疆之在目深
勞哀纂殊用歎嘉臣光祖頓首頓首謹錄

周應合修志本末

案卷中有甲戌榜眼光祿卿章王鳴盛印西莊
居士四方印

前宋樓藏書志卷三十一

存齋雜纂之六

歸安陸心源剛甫編

史部

地理類三

景定嚴州新定續志十卷

艾瀾閣傳抄本

宋鄭瑤方仁榮撰

方逢辰序曰郡之有志所以記山川人物戶口
田賦凡土地之所宜也嚴於浙右為望郡而界
於萬山之窟厥土堅而隔上不受潤下不升鹵
雨則潦霽則槁厥田則土淺而源枯介乎兩

節節級級如橫梯狀其民苦而耐其俗嗇而野其戶富者畝不滿百其賦則土不產米民僅以山而入帛官兵廩率取米於鄰郡以給而百姓日糴則取給於衢婺蘇夸之客舟較之澗右諸郡其等爲最下下而嚴之所以爲望郡而得名者不以田不以賦不以戶口而獨以雲山蒼蒼江水泱泱有子陵之風在焉郡志自淳熙後缺而不修者距今七十餘年矣吳越錢君可則以太府丞來守嚴政事之暇爲之訪蒐以補其缺編削訖事走書屬予爲序予謂嚴爲我太

宗皇帝高宗皇帝建旄之地今皇儲賜履之封則一郡之山川人物風俗戶口田賦職方氏皆欲究知之矧惟天子聖明勤恤民隱凡州牧之出辭入覲必詳訪焉是編之作非惟可以備顧問亦可以少助宵旰民瘼之萬一也

案原本缺此序從蛟峯集補

咸淳臨安志九十五卷

舊抄本

盧抱經手校

宋潛說友撰

闕卷六十四卷九十卷九十八

至一百凡五卷

恭維聖宋受命奄甸萬方大明中天燿燐自息

泗太平興國三年吳越以其地歸我職方氏是
歲杭始置守丞建炎陞府遂爲行在所按古志
杭舊屬會稽禹於此舍航而陸故名恭聞光堯
大駕初臨登郡治中和嘗作爲歌詩慨懷夏后
氏之烈聖心曠數千百載而神交固有幾乎禹
蹟之外其亦見夫流風蹟俗得過化之所存而
有感焉耳嘗試觀之有車船檣楫之蹟故其人
至於今忠以勤有苗山封爵功德之會故其人
至於今勸於爲善有織貝橋袖之貢故其人至
於今知尊君而愛親錢氏生長其間性習自然

國三四王而終不失其臣節追宋之興也深
察夫人心歸德之天如川斯赴莫之能止則一
旦決然舍去其固有之業以委命于朝忠懿誠
忠矣抑杭之人何莫非忠懿天地之間燥溼風
雲萬物一氣杭獨空字十之所漸者遠知帝王正
統所在焉故也自國家眎之如在甸服率選空字
地大故要必有所甚重者湛恩釀化涵浸滋
久益固結而不可解南渡艱難之際旄倪提攜
左簞右壺牛酒相屬于道頓首六蚪之下如見
父母誓有殞無貳雖屢更大震撼而莫之變迄

用永我命於茲新邑迹是三百年間杭之有功於國家也甚大而祖宗之有德於杭亦深矣開慶羣小誤國召戎一時謀臣或倡異議幾搖根本賴先皇帝蔽自上志獨倚今太傅辯章國公外頓八紘內維九鼎宗廟社稷之靈恃以寧安卒之披攘蒙露再奠宇宙至今八街九陌歌舞四時往往相與咨歎不圖復見今日烏乎我理宗有德於杭也不又大歟杭之福諸夏之福也肆皇上克篤前烈宅中圖大不以愚臣爲不肖命殿是邦幸遇朝廷治平年穀屢登浩穰之府

化爲簡淨因得以蓋其疵糝暇日視故府閱郡乘或病其漏且舛乃葺而正之增而益之凡爲圖爲表爲志總百卷而冠以行在所錄尊王室也既成上之天府以備政教之萬一也禹貢稱冀州既載釋者謂以貢賦役事載之書其于天子所自治之國謹重固如此九州攸同言歸舊京聖子神孫尙克念我光堯懷禹之遺志云中奉大夫權戶部尙書兼詳定敕令官兼知臨安軍府事兼管內勸農使兩浙西路安撫使馬步軍都總管兼點檢行在贍軍激賞酒庫所緝雲

縣開國男食邑三百戶臣潛說友謹序

盧氏手跋曰乾隆三十八年始鈔是書不得別本詳校鮑君以文出其所藏宋刊示余乃知外間本皆爲俗子刪節質亂少有完者因借以校此本庶幾復其舊觀云甲午二月二十一日范陽盧文弨鬯恭書于金陵之寓齋

咸淳臨安志九十五卷 宋刊本 朱竹垞舊藏

宋潛說友撰

自序

黃氏手跋曰余向購得抄本咸淳臨安志較朱

竹垞集中所跋本多二卷六十五六十六是也抄本出盧學士抱經校本云從鮑以文所藏殘宋槧本補錄者然則潛志宋刻流傳非一也每從藏書家訪問知竹垞藏本尙在杭州偶遇杭友曹竹林詢悉是書卽其親戚所藏屬伊訪求已閱三四載矣今秋九月上旬以樣本示余予一見信爲宋刻善本每本部葉有楷書細目似國初人筆或卽竹垞舊藏亦未可知物主有議價及書中刻抄原缺細數兩紙自署曰知稼主人未識誰何而於書中面目開列明哲當是藏

書故家既晤竹林乃知此人王姓學增其名一
貧孝廉此書久質他姓茲因明年計偕售去以
爲行資故特送覽以報昔日之命但百二十千
缺一不可余耳談是書久急出錢易之全書卅
冊既來費半日功緝閱一過內紙色黃者與白
者有兩種黃紙墨氣較好皆是宋刻原本一卷
八十一卷至八十九卷皆抄餘卷中間有一二
抄補之葉悉屬影寫故刻工姓名及所刻字數
上下略具似非無據者其六十四卷至六十六
卷九十卷九十八卷至百卷仍闕如也因思曝

書亭集跋語云予從海鹽胡氏常熟毛氏先後
得宋槧本八十卷又借抄一十三卷其七卷終
缺焉今刻本八十三卷抄本十卷似非竹垞故
物然查德尹查浦輯聞云杭州府志在宋則淳
祐志咸淳志淳祐施已不復存咸淳則竹垞先
生與當湖高詹事士合成若干卷尙缺十卷查
所云缺者當是原闕七卷之外所抄十卷似與
余今所見之本合查又云紙色墨香與書法之
美眞目所未覩予今所見本亦然其爲竹垞故
物無疑再檢杭大宗道古堂集有跋云書凡百

百宋樓藏書志 卷三十一
卷舊藏花山馬氏吾友吳君尺鳧以二十千購抄其半其半則得之王店朱檢討家碑刻七卷仍缺如也好事者往往從吳氏借抄抄胥憚煩每割去大文長記以是世鮮善本辛亥歲同在志局尺鳧攜是書來予與趙子誠夫共相參校乃得睹悉真贋輒歎求書之難適檢討孫稼翁以宋槧十七冊求售亟從吳誠夫以三十金易之由斯以觀竹垞故物本在杭州今是書果輾轉流傳而出者歎惜卷數冊數今昔多寡分合又有不同豈後人之所爲抑或前人稱之不得

其實乎唯所缺六十四至六十六爲人物九十九十八九十九爲紀遺中之紀事紀文一百爲紀遺中之歷代碑刻目宋本原目具志中杭云碑刻七卷仍缺如也未免考之不的爾今書中藏書印黃紙者均有一大印二小印大印爲高平家藏小印一爲朝列大夫之章一則加印於舊印之上模糊莫辨似爲國朝三代先顯白紙者卷七十五至卷八十首末皆有汲古毛氏印古籍流傳原委有自洵可寶也得書前夕鮑丈適來晤言及此云向所得殘宋本在吳兎牀處

百宋樓藏書志 卷三十一
一
兔床子亦往來擬作札商之或二卷宋刻可得
豈非盡美哉嘉慶三年歲在戊午季冬月中澣
八日雨牕剪燭書棘人黃丕烈

又曰歲庚申春從吳兔牀處借得六十五六十
六卷仍係抄本旁有知不足齋影宋鈔字樣當
非無據也爰屬西賓顧澗蘋傳錄俟裝潢時一
併補入頃鮑綠飲來訪談及是書遂取示之問
其在杭州曾見過此書否綠飲云書雖未見然
聞其爲黃姓物所稱知稼主人當用宋人知稼
翁故事則竹林傳述以爲王姓者誤爾又詢其

所多二卷宋刻何在云在孫氏蓋鮑得此書有
兩部一歸孫一歸吳吳之二卷卽從孫之二卷
影寫者以之補闕尙非不知而作云五月朔坐
雨讀未見書齋書此堯圃

又曰壬戌從都中買夏季搢紳偶見浙江寧波
府定海縣復設訓導有王學增其人始知竹林
之言爲不謬而綠飲所聞爲未確也古書源流
余喜考訂故一藏書之家而必求其實如此
又曰此書收藏已閱五載矣原裝三十冊墨敝
紙渝幾不可觸手今夏六月始命工重裝細加

補綴以白紙副其四圍直至冬十一月中竣事
裝潢之費復用去數十千文可云好事之至矣
分裝四十八冊以原存部面俟久裝入俾日後
得見舊時面目其中除六十五六十六新抄外
尚有舊鈔幾卷擬仍訪諸鬼牀或有宋刻可校
豈不更善乎壬戌季冬蕘翁黃丕烈識
案每頁二十行每行廿字小字雙行板心有字
數及刻工姓名卽百宋一墨賦所謂臨安百卷
分豆剖瓜海鹽常熟會叢竹垞者也

重修毘陵志三十卷 宋刊抄補本

宋史能之換

毗陵有志舊矣歲淳祐辛丑余尉武進時宋公
慈爲守相與言病其略也俾鄉之大夫士增益
之計書成且有日越三十年余承朝命長此州
取而閱之則猶故也嘻豈職守之遵細不常而
郡事之鞿轡靡暇是以久而莫之續耶抑有待
而然耶夫周官土訓掌道地圖以詔地事以辨
地物以詔地采蓋將使來者有考也而可忽諸
毘陵自晉改邑爲郡至唐易郡爲州代更五季
民竄於兵宋莫九堰江南旣平郡始入職方氏

一馬渡江之後錢唐爲天子行在所繇是與蘇湖秀均號古扶寰宇記所謂人性吉直黎庶淳遜其所從來古矣今山川曠發民物殷蕃謹固封圻爲國之屏壤地非小弱也而郡志弗續非闕歟迺命同僚之材識與郡士之博習者網羅見聞收拾放失又取宋公未竟之書於常簿季公之家訛者正略者備缺者補蓋閱旬月而后成雖然余豈掠美者哉事患不爲爲而無不成余之續之所以成前人之志而廣異日之傳云爾後之攬者亦將有感於斯咸淳四禩月正元

日四明史能之敘

案史能之鄞縣人淳熙元年進士彌鞏子也附見宋史史彌鞏傳毘陵志創于教授三山鄒補之見直齋書錄解題咸淳四年能之守郡重修原本三十卷每葉十八行每行二十字版心有字數刻本存卷七至十九又第二十四卷餘抄補卷十二第四頁後缺末葉有剝痕所缺當不少卷十三缺第十三頁常州新刻本以卷十二頁之末頁爲第五頁與第四頁沿江民兵接以卷十三之第十四頁爲十三頁與上頁兔絲子

接若非此本僅存無從知其缺佚矣重刻本從
元延祐重刻出此則咸淳原刻也藏書家罕見
著錄惟查夏重蘇詩補註厲太鴻宋詩紀事徵
引及之

嘉禾志三十二卷 舊抄本

元徐碩撰

圖志之書古史筆也成周職方掌天下之圖外
史掌四方之志事亦重矣嘉禾爲志何昉乎猶
記袁似衢爲郡治中其家富有古書江浙圖志
無不備獨禾與闕然非闕也禾與經邑爲州才

三百載五代至宋初皆倥傯不暇眞宗景德四
年嘗詔諸道修圖經僅得海鹽一志而已淳熙
甲午郡守張元成始延閩人伯紀爲郡志此作
古也前乎伯紀所謂舊經雖博覽之士無所見
其簡略可知後乎伯紀郡守岳珂嘗命鄉先輩
關表卿重修且編檄諸邑搜訪古跡可謂勞於
用力書未成而勅翁改調上而無紀錄之冊可
參次而無老成之士可質又次而無賢子弟可
詢其家世其欲正譌補闕豈不難哉仰惟皇帝
考圖數貢自北而南此不容于浸廢往者郡經

歷單君慶因請重修郡博士徐君碩承命屬筆
搜獵散亡其綱正其篇目加多既完矣而母
之板則未也萊山劉公傑來殿是邦路推翟公
汝弼啟其議諸路官又相其成可謂是書之幸
夫圖志重事也其存亡夫豈偶然雷次宗非無
豫章紀洪駒父求之不得見范石湖非不藁吳
郡志以妄議而不得刊今嘉禾志闕而全絕而
續郡侯其有功矣哉昔竇德元不能對帝上之
問人到於今陋之今郡人得是書可以不爲德
元矣余故喜爲之辭至元戊子孟夏里人郭晦

序

郡有志倣九上遺意也書以志名凡一郡之事
皆在所當錄豈特土地所生風氣所宜而已哉
嘉禾在春秋爲檇李至吳黃龍三禩以禾生由
拳野故名自春秋距今千七百餘年其間有沿
有革有廢有置世道污隆之故人物盛衰之由
與夫山川風景之所以殊郡邑事蹟之所以異
其可紀者何可勝數而舊志多簡略弗載宋嘉
定甲戌郡守岳侯珂悼前聞之遺闕嘗命鄉先
輩關表卿棊任行人子羽之事編稿將上而岳

侯去鄉論惜之越六十三載皇帝撫有江南寸
天尺地無一不入版圖內乃至元甲申克齋單
公慶來佐郡幕公餘過從輒清談竟日每喟然
嘆曰圖志三歲一上法也此邦自總府開藩亦
既數年而郡志未備非闕典歟遂創議檄委郡
博士徐君碩重加修纂君承命惟謹網羅散失
抉剔幽眇考古訂今哀集會粹曩之爲卷者五
今之爲卷者三十有二曩之爲門者二十有五
今之爲門者四十有三彪分臚列此志得爲全
書徐君之用功亦勞矣編成而萊山劉侯傑實

來一日噦鸞戾泮路推良佐翟公汝弼以是白
侯侯喜退而諗於同列同列亦喜亟命工刻諸
梓時與人會事與機投莫不慶是書之遭昔張
茂先志博物士歆其才蕭相國收圖籍史牘其
識向非侯有相國之識思以知其戶口爲急務
則此志編而不刊與不編等徐君雖有茂先之
才其何以自見是舉也侯既能俾創議者不至
爲岳之中沮又能俾修纂者不至爲關之徒勞
侯亦賢矣哉侯不鄙屬余序奚敢以老鈍辭雖
然此一郡事也侯賦政于外屢殿名邦入坐廟

堂將以均四海為已任他日志輿地志九域必有能紀侯之勲業者侯其勉之至元著雍困敦孟夏朔日里人前進士納軒叟唐天麟書

全順鎮江志二十一卷 舊抄本

元俞希魯撰

張氏金吾曰按至順時鎮江路總管府達魯花

赤曰明里答失 至順二年六月七日 曰狗兒 至順二年六月七日

至 總管曰脫因 至順元年十一月一日 至 曰兀都馬沙 至順四年

正月十日 脫因下備載祖父名位爵諡及脫因歷官始末較他人特詳其時之參佐則趙禹珪王

傑孔世英學官則韓琪徐圓或者脫因任總管時命僚屬所修歟始敘郡終考古凡一百門而亦冠之以郡縣表徵引詳贍敘述該治土產貢賦兩門臚陳名狀尤為駭備至于郡守參佐遠溯六朝鄉賢寓公近蒐元代與嘉定志互相補苴是亦足以相輔而行矣

案俞希魯字用中鎮江人父德隣為宋室遺老希魯學業浩博淵貫羣籍境內碑碣多所撰述與青陽夢炎謝震顧觀號為京口四傑以茂才除慶元路教授善于啟迪擢歸安丞築海鹽塘

費省而民不勞升江山令改永康遷松江府同知所至葺廟學聘名儒講說平民徭役卒年九十著有竹素鈎元二十卷聽雨軒集二十卷見嘉慶丹徒志乾隆鎮江志原本不著撰人名氏考成化鎮江志丁元吉序曰勝國俞用中至順志例加精密乾隆志俞希魯傳云至順中嘗著郡志序事精密則此志爲俞希魯作無疑

類編長安志十卷

舊抄本 萊竹堂舊藏

京兆路儒學教授駱天驤纂編開成路儒學

教授薛延年校正

雍之長安其來久矣乃古之鄉聚名在豐鎬間周秦時已有之李善西都賦注漢高帝都關中築宮城擇嘉名可長安於子孫故曰長安城可長樂於宮室曰長樂宮長安之名自此始著宮室記曰秦之咸陽北至九嶼南至南山東至河西至汧離宮別館相望聯屬木衣綈繡土被朱紫宮人犬馬不移樂不改懸窮年忘歸猶不能遍至漢武廣開上林苑中有三十六宮二十二觀秦之故宮莫不增葺秦迄今寥寥千五百載兵火相焚蕩宮闕古蹟十亡其九僅有存者荒

臺廢苑壞址頽垣禾黍離離難以詰問故老相傳名皆訛舛如秦莊襄王陵爲韓信冢漢長安城爲陽甲城隋太極殿基爲走馬樓董仲舒墓爲蝦蟆陵漢武太一谷爲炭谷唐興慶宮爲九龍池雖有舊記各紀一時之事其沿革互換之名各不同宋敏求編長安志自周秦至唐宋唐京兆府管二十三縣宋永興軍領十三縣華耀乾三州鳳翔一府闕商同二州華止有渭南蒲城兩縣設祠一名今爲三縣漆沮二水同爲一河漆出耀州俗號石州河至櫟陽南交口合渭

沮出同州號洛河三合口合渭相去百餘里爲漆沮一河其故事散布州縣難以檢閱僕家本長安幼從鄉先生游兵後關中前進士碩儒故老猶存百人爲士林義契耆年文會講道之暇遠游樊川韋杜近則鴈塔龍池其周秦漢唐遺址無不登覽或談故事或誦詩文僕每從行故得耳聞目覩每有闕疑再三請問聖元皇子安西王胙土關中至元癸酉創建王府選長安之勝地王相兼營司大使趙以僕長安舊人相從遍訪周秦漢唐故宮廢苑遺蹤故蹟自豐鎬阿

房未央長樂太極含元興慶魚藻靡不登歷是以長安事跡足履目見之熟從心之際每患舊志散漫乃剪去繁蕪撮其樞要自漢晉隋唐宋金迄皇元更改府郡州縣引用諸書檢討百家傳記門分類聚并秦中古今碑刻名賢詩文長安景題及鴻儒故老傳授增添數百餘事哀爲一集析爲十卷目之曰類編長安志覽之者不勞登涉長安事迹如在目前豈不快歟老眼昏花中間多所脫略訛錯更俟好古博雅君子改而正之元貞丙申中元日藏齋遺老駱天驤引

長安古都會也自周秦漢魏已降有國者多建邦於此所以山川之形勝宮室之佳勝第宅之清勝丘陵之名勝爲天下最以其歷代沿革之不同互換之或異有好事者爲書以志之如三輔黃圖三輔決錄西京雜記關中記景龍文館記等書或失之於繁或失之於簡莫如長安志之詳且盡也然或問一山一水一臺一榭茫然莫之能對良由卷軸之多分布散亂未能詳涉而遍窺也學者病之藏齋先生駱公飛卿辭聲利而遠市朝老於翰墨者也讀書樂道之餘取

長安舊志前後二十卷十萬餘言門分而類別
之使水能會涇渭灞滻之名山能萃太華終南
之秀凡都邑宮觀工陵墳衍沿革興廢之名賢
豪居處之迹士夫經行之地僑人題品之文各
注於下棊布星羅若網在綱有條而不紊書成
或病其碎愚曰世之類書多矣如儀禮則指某
事而必窮其源通典指某事必盡其要通鑑事
總韓柳文類皆此意也儻人物混則孰能辨夷
夏之殊五穀雜則孰能辨菽麥之異且志曰方
以類聚物以羣分不如是則不能成治道而贊

化育也物且如是書何不然若鉸木以行使游
秦者不勞登涉而知地理之詳未至秦者得觀
此書日下長安宛在目前矣又不可謂秦無人
焉大德戊戌清明后二日安西路儒學教授鹿
溪賈穢文裕序

九丘有書九州有貢地理有志寰宇有記皆四
海之學也或有山崩川移陵遷谷變歷代沿革
隨時廢興所以不能必主其名儻非識究堪輿
學探今古至有皓首弗克致其知者方輿雖未
遍覽而所居鄉國懵然未知可乎哉京兆教授

百代通志卷三十一
駱飛卿長安故家也嘗集先儒舊志并古人詩
文從游前輩周訪卿老其所得者具載無遺目
曰類編長安志而廢殿荒陵離宮別館城郭之
損益州郡之變更脫遺者增補訛舛者訂定駱
公自序已詳之矣茲不必云較之舊志一完書
爾長安古都會也是編 或平居暇日披翫
於几硯之間其周秦漢唐遺蹤故實不待諮訪
一一可知足跡未及如在目前使居是邦者習
中了然問無不知亦士君子之一快也駱公用
心仁矣大德戊戌夏四月中澣日前翰林直學

士太中大夫安西路總管兼府尹諸軍奧魯管
內勸農事山木老人王利用序

張氏金吾曰是書取宋敏求志刪去繁蕪撮其
樞要增入金元沿革分門類聚故曰類編宋元
地志大江以北自齊乘外無一存者是書雖以
古蹟爲主凡州郡之變更城郭之遷移以及山
川名勝宮室第宅邱陵冢墓一夫古今興廢之
殊名賢游覽之作無不備錄又附之以紀異辨
惑而以石刻終焉則列之郡縣志中當無不可
所採如地理叢編三輔會要今且無有知其名

百子精義書志 卷三十一 一
者金元詩文所載尤夥俱足以資參考是書也
非所謂絕無僅有者歟卷首題薛延年校正延
年當卽注人倫大統賦者文淵閣書目棗竹堂
書目俱著錄此本有葉伯寅圖記及葉氏藏書
印記知卽棗竹堂舊藏本也

